

MISSÆ PROPRIÆ  
DIOECESIS  
BEROLINENSIS

A S. RITUUM CONGREGATIONE APPROBATÆ  
DIE 3 APRILIS 1933

JUSSU ET AUCTORITATE

EXCELLENTISSIMI ET REVERENDISSIMI DOMINI  
DOMINI  
NICOLAI BARES  
EPISCOPI BEROLINENSIS

PRIMUM EDITÆ



1934

RATISBONÆ

SUMPTIBUS ET TYPIS FRIDERICI PUSTET  
S. SEDIS APOSTOLICÆ ET S. RITUUM CONGREGATIONIS TYPOGRAPHI

# SACRA CONGREGATIO RITUUM

No. B. 21/933

**BEROLINEN.**

**E**xcellentissimus ac Rev. mus Dominus Christianus Schreiber, Episcopus Berolinensis, Sacrae Rituum Congregationi Proprium Missarum in usum Cleri sibi commissae Dioceseos, pro opportuna approbatione, humillime subiecit. Sacra porro eadem Rituum Congregatio, vigore facultatum sibi specialiter a Sanctissimo Domino Nostro Pio Papa XI tributarum, ipsum Proprium Missarum rite et diligenter revisum, uti in adnexo prostat exemplari, probare dignata est, ac usui Cleri Dioceseos Berolinensis concedere. Quibuscumque contrariis non obstantibus.

Die 3 Aprilis 1933

C. Card. Laurenti **S. R. C. Praefectus**

L. S.

A. Carinci **S. R. C. Secretarius**

## **APPROBATIO**

Concordat cum originali approbato.

Berolini, die 8 Maji 1934

L. S.

**DR. STEINMANN**

**Vic. Gen.**

## **IMPRIMATUR.**

Ratisbonæ, die 17 Maji 1934

**DR. HÖCHT**

**Vic. Gen.**

# MISSÆ PROPRIÆ DIOECESIS BEROLINENSIS

Die 4 Februarii

S. Rabani Mauri **Ep. et Conf.**

**Duplex**

**Missa Sacerdotes tui, de Communi Confessoris Pontificis 2 loco, præter Orationem sequentem:**

**Oratio**

**P**

**D**eus, qui pópulo tuo æternæ salutis beátum Rabánum ministrum tribuísti: præsta, quæsumus; ut, quem doctórem vitæ habúimus in terris, intercessórem habére mereámur in cælis. Per Dóminum nostrum.

**Et fit Commemoratio S. Andreae Corsini Ep. et Conf.:**

**Oratio**

**D**eus, qui in Ecclésia tua nova semper instáuras exémpla virtutum: da pópulo tuo beáti Andréæ Confessoris tui atque Pontíficis ita sequi vestigia; ut assequátur et præmia. Per Dóminum.

**Secreta**

**C**

**S**ancti Rabáni Confessoris tui atque Pontíficis, quæsumus, Dómine, ánnua solémnitas pietáti tuæ nos reddat accéptos: ut, per hæc piæ placatiónis officia, et illum beáta retribútio comitétur, et nobis grátia tuæ dona concíliet. Per Dóminum.

**Pro S. Andrea**

**Secreta**

**S**ancti tui, quæsumus Dómine, nos ubique lætíficent: ut, dum eórum mérita recólimus, patrocínia sentiámus. Per Dóminum.

**Postcommunio**

**C**

**D**eus, fidélium remunerátor animárum: præsta; ut beáti Rabáni Confessoris tui atque Pontíficis, cujus venerándam celebrámus festivitátem, précibus indulgéntiam consequámur. Per Dóminum.

**Pro S. Andrea**

**Postcommunio**

**P**ræsta, quæsumus, omnipotens Deus: ut, de percéptis munéribus grátias exhibéntes, intercedénte beáto Andréa Confessóre tuo atque Pontífice, beneficia potióra sumámus. Per Dóminum.

**¶ De S. Andrea dici possunt, juxta Rubricas, Missæ privatae, cum 2<sup>a</sup> Oratione S. Rabani.**

Die 15 Martii

S. Clementis Mariæ Hofbauer  
**Confessoris**

**Duplex majus**

**Missa Justus ut palma, de Communi Confessoris non Pontificis 2 loco, præter Orationes sequentes:**

**Oratio**

**P**

**D**eus, qui beátum Cleméntem Mariám miro fidei róbre et invictæ constántiæ virtúte decorásti: ejus méritis et exémpis fac nos, quæsumus, ita fortes in fide et caritáte fervéntes; ut præmia consequámur æterna. Per Dóminum nostrum.

**Et, in Missis non conventualibus, fit Commemoratio Feriæ, juxta Rubricas.**

**Secreta**

**P**

**I**lle nos, quæsumus, Dómine, devotiónis ignis accéndat: quo beátus Clemens Mariá, dum salutárem offérret hóstiam, júgiter flagrávit. Per Dóminum nostrum.

**Et fit Commemoratio Feriæ, ut supra.**

**Postcommunio**

**P**

**C**ælésti pane reféctis concéde nobis, omnipotens Deus: ut beáti Cleméntis exémplo in fortitúdine cibi illus usque ad montem, qui Christus est, feliciter perveniámus: Qui tecum vivit.

**Et fit Commemoratio Feriæ, ut supra; et de ea legitur Evangelium in fine, juxta Rubricas.**

Die 23 Aprilis

S. Adalberti Ep. et Mart.

Duplex majus

Introitus

Ps. 63, 3

**P**rotexisti me, Deus, a convéntu malignántium, allelúja: a multitudíne operántium iniquitátem, allelúja, allelúja. Ps. *ibid.*, 2 Exáudi, Deus, oratióne meam, cum deprecor: a timóre inimíci éripe ánimam meam. *ŷ*. Glória Patri.

Oratio

**T**uam nobis indulgéntiam, quásumus, Dómine, beátus Adalbértus Episcopus et Martyr implóret: ut et delicta nobis cleménter ignóscas, et beneficia desideráta concédas. Per Dóminum nostrum.

Et fit Commemoratio S. Georgii Mart.:

Oratio

**D**eus, qui nos beáti Geórgii Mártyris tui méritis et intercessióne lætíficas: concéde propítius; ut, qui tua per eum beneficia póscimus, dono tuæ grátiae consequámur. Per Dóminum.

Léctio Epístolæ beáti Pauli Apóstoli ad Hebræos

Hebr. 5, 1-6

**F**ratres: Omnis pón tifex ex homínibus assúptus, pro homínibus constitúitur in iis, quæ sunt ad Deum: ut offerat dona et sacrificia pro peccátis: qui condolére possit iis, qui ignórant et errant: quóniam et ipse circúmdatus est infirmitáte: et proptérea debet, quemádmódu pro pópulo, ita étiam et pro semetípso offerre pro peccátis. Nec quisquam sumit sibi honórem, sed qui vocátur a Deo, tamquam Aaron. Sic et Christus non semetípsum clarificávit, ut Pón tifex fieret: sed qui locútus est ad eum: Fílius meus es tu, ego hódie genui te. Quemádmódu et in álío loco dicit: Tu es sacérdos in ætérnum, secúndum órđinem Melchisedech.

Allelúja, allelúja. *ŷ*. Surréxit pastor bonus, qui pósuit ánimam suam pro óvibus suis, et pro grege suo mori dignátus est. Allelúja. *ŷ*. Ps. 20, 4 Posuísti,

Dómine, super caput ejus corónam de lápide pretiósó. Allelúja.



Sequéntia sancti Evangélii secúndum Joánnem

Joann. 10, 11-16

**I**n illo témpore: Dixit Jesus pharisæis: Ego sum pastor bonus. Bonus pastor ánimam suam dat pro óvibus suis. Mercennárius autem et qui non est pastor, cujus non sunt oves própriae, videt lupum veniéntem, et dimíttit oves, et fugit: et lupus rapit et dispérgit oves: mercennárius autem fugit, quia mercennárius est, et non pértinet ad eum de óvibus. Ego sum pastor bonus: et cognóscó meas, et cognóscunt me meæ. Sicut novit me Pater, et ego agnóscó Patrem: et ánimam meam pono pro óvibus meis. Et álias oves hábeo, quæ non sunt ex hoc ovili: et illas opórtet me addúcere, et vocem meam áudient, et fiet unum ovile et unus pastor.

**Offertorium** Ps. 20, 4-5 Posuísti, Dómine, in cápite ejus corónam de lápide pretiósó: vitam pétiit a te, et tribuísti ei, allelúja.

Secreta

**S**acrificium exhibítum, quásumus, Dómine, benígnus assúme: ut, quod nómini tuo in solemnitáte beáti Adalbérti Mártyris tui atque Pontíficis deférimus, nobis prosit ad véniam. Per Dóminum nostrum.

Pro S. Georgio

Secreta

**M**únera, Dómine, obláta sanctífica: Met, intercedénte beáto Geórgio Mártyre tuo, nos per hæc a peccatórum nostrórum máculis emúnda. Per Dóminum nostrum.

**Communio** Joann. 10, 14 Ego sum pastor bonus, allelúja: et cognóscó oves meas, et cognóscunt me meæ, allelúja, allelúja.

Postcommunio

**R**efécti, Dómine, munéribus sacris, súpplices te deprecámur: ut indulgéntiam tuam nobis intercésio beáti Adalbérti Mártyris tui atque Pontíficis semper implóret. Per Dóminum.

## Pro S. Georgio Postcommunio

**S**úpplices te rogámus, omnipotens Deus: ut, quos tuis réficis sacraméntis, intercedénte beáto Geórgio Mártyre tuo, tibi étiam plácitis móribus dignánte tribuas deservíre. Per Dóminum.

✠ **In Missis votivis extra Tempus Paschale dicitur Missa Státuit, de Communi unius Martyris 1 loco cum Orationibus et Evangelio ut supra.**

Die 27 Aprilis

S. Petri Canisii

Confessoris et Ecclesiæ Doctoris

Duplex II classis

Introitus

Eccli. 15, 5

**I**n médio Ecclésiæ apéruit os ejus: et implévit eum Dóminus spírítu sapiéntiæ et intelléctus: stolam glóriæ índuit eum, allelúja, allelúja. **Ps. 91, 2** Bonum est confitéri Dómino: et psállere nómini tuo, Altíssime. **V.** Glória Patri.

Oratio

**D**eus, qui ad tuéndam cathólicam fidem beátum Petrum Confessórem tuum virtúte et doctrína roborásti: concéde propítius; ut ejus exémpis et mónitis erránte ad salútem resipíscant, et fidéles in veritátis confessióne perseverént. Per Dóminum nostrum.

Léctio Epístolæ beáti Pauli Apóstoli ad Timótheum

2 Tim. 4, 1-8

**C**aríssime: Testíficor coram Deo, et Jesu Christo, qui judicatúrus est vivos et mórtuos, per advéntum ipsíus et regnum ejus: prædica verbum, insta opportúne, importúne: árgue, óbseca, íncrepa in omni paciéntia, et doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magístros, pruriéntes áuribus, et a veritáte quidem audítum avértent, ad fábulas autem converténtur. Tu vero vígila, in ómnibus labóra, opus fac Evangelistæ, ministérium tuum imple. Sóbrius esto. Ego enim jam delíbor, et tempus resolutiónis meæ instat. Bonum certámen

certávi, cursum consummávi, fidem servávi. In réliquo repósita est mihi coróna justítiæ, quam reddet mihi Dóminus in illa die, justus judex: non solum autem mihi, sed et iis, qui díligunt advéntum ejus.

Allelúja, allelúja. **V.** **Ps. 118, 46** Loquébar de testimóniis tuis in conspéctu regum, et non confundébar. Allelúja. **V.** **1 Cor. 9, 22** Omnia ómnibus factus sum, ut omnes fácerem salvos. Allelúja.

**In Missis votivis per annum dicitur Graduale Ps. 118, 129-130** Mirabilia testimónia tua, Dómine, ídeo scrutáta est ea ánima mea. **V.** Declarátio sermónum tuórum illúminat et intelléctum dat párvulis.

Allelúja, allelúja. **V.** **Ps. 108, 30** Confitébor Dómino nimis in ore meo: et in médio multórum laudábo eum. Allelúja.

**Post Septuagesimam, omissis Allelúja et Versu sequenti, dicitur**

**Tractus Ps. 118, 104, 105 et 158** A mandátis tuis intelléxi, proptérea odívi omnem viam iniquitátis. **V.** Lucérna pédibus meis verbum tuum, et lumen sémitis meis. **V.** Vidi prævaricánte et tabescébam, quia elóquia tua non custodiérunt.



Sequéntia sancti Evangélii secúndum Matthæum

Matth. 5, 13-19

**I**n illo témpore: Dixit Jesus discíplulis suis: Vos estis sal terræ. Quod si sal evanúerit, in quo saliétur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscóndi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cælis est. Nolíte putáre, quóniam veni sólvete legem aut prophéas: non veni sólvete, sed adimplére. Amen, quippe dico vobis,

donec tránseat cælum et terra, jota unum aut unus apex non præteribit a lege, donec ómnia fiant. Qui ergo sólverit unum de mandátis istis mínimis, et docúerit sic hómínes, mínimus vocábitur in regno cælórum: qui autem fécerit et docúerit, hic magnus vocábitur in regno cælórum. **Credo.**

**Offertorium Ps. 33, 12** Veníte, filii, audíte me: timórem Dómini docébo vos, allelúja.

#### Secreta

**S**anctífica, miséricors Deus, hæc múnera tibi obláta, et Ecclésiæ tuæ, beáto Petro intercedénte, unitátis et pacis propítius dona concéde. Per Dóminum nostrum.

**Communio Is. 12, 3** Hauriétis aquas in gáudio de fóntibus Salvatóris, allelúja.

#### Postcommunio

**S**acrificium, Dómine, quod in honórem beáti Petri Confessóris tui atque Doctóris obtúlimus: fidem nostram, spem et caritátem áugeat, et Ecclésiám tuam nova semper prole lætíficet. Per Dóminum nostrum.

Die 4 Maji

**S. Godehardi Ep. et Conf.**

#### Commemoratio

##### Oratio

**D**eus, qui méritis sancti Godehárdi Confessóris tui atque Pontíficis semper es et ubíque mirábilis: quæsumus cleméntiam tuam; ut, sicut ei emínentem glóriam contulísti, sic ad consequéndam grátiam tuam, ejus nos fácias précibus adjuvári. Per Dóminum.

##### Secreta

**D**a nobis, Dómine, quæsumus, tuæ pietátis efféctum: et intercedénte beáto Godehárdi Confessóre tuo atque Pontífice, múnera nostra propítius intuére. Per Dóminum nostrum.

#### Postcommunio

**Q**uos donis cælestibus satiásti, sancti Godehárdi Confessóris tui atque Pontíficis, Dómine, defénde præsídiis: ut nóxiis ómnibus expediti post salu-

tária tua toto corde currámus. Per Dóminum nostrum.

**Pro Missa votiua S. Godehardi Ep. et Conf. dicitur Missa Sacerdótes tui, de Communi Confessoris Pontificis 2 loco cum Orationibus ut supra.**

Die 16 Maji

**S. Joannis Nepomuceni Martyris  
Duplex**

**Missa Dedit mihi, inter Missas pro aliquibus locis in fine Missalis hac die.**

**Et fit Commemoratio S. Ubaldi Ep. et Conf. in corpore Missalis hac die; de quo dici possunt Missæ privatae.**

Die 5 Junii

**S. Bonifatii Ep. et Mart.**

**Duplex II classis**

**Ut in Missali hac die.**

Die 16 Junii

**S. Bennonis Ep. et Conf.**

**Duplex**

**Missa Státuit, de Communi Confessoris Pontificis 1 loco, præter Orationem sequentem:**

**Oratio**

**P**

**D**eus, qui nos beáti Bennónis Pontíficis confessióne gloriósa circúmdas et prótegis: da nobis; et ejus imitatioe proficere, et intercessióne gaudére. Per Dóminum nostrum.

**Secreta**

**C**

**S**ancti tui, quæsumus, Dómine, nos ubíque lætíficent: ut, dum eórum mérita recólimus, patrocínia sentiámus. Per Dóminum.

**Postcommunio**

**C**

**P**ræsta, quæsumus, omnípotens Deus: ut, de percéptis munéribus grátias exhibéntes, intercedénte beáto Bennóne Confessóre tuo atque Pontífice, beneficia potióra sumámus. Per Dóminum.

Die 29 Junii

**S. Petri**

**Patroni principalis Diœcesis  
et S. Pauli Apostolorum**

**Duplex I classis cum Octava communi  
Ut in Missali hac die.**

Die 3 Julii

S. Ottonis

Ep. et Conf., Pomeraniæ Apostoli  
Patroni æque-principalis Diœcesis

Duplex I classis cum Octava communi

Introitus Eccli. 45, 30

**S**tátuit ei Dóminus testaméntum pacis, et príncipem fecit eum: ut sit illi sacerdotií dignitas in ætérnum. Ps. 131, 1 Meménto, Dómine, David: et omnis mansuetúdinis ejus. V. Glória Patri.

Oratio

**D**eus, cujus virtúte beátus Otto Conféssor tuus et Póntifex in fide instrúxit et solidávit Pomeranórum gentem: concéde propítius; ut, qui doctor factus est infidélium, pro fidélium tuórum cœtu pius intercésor exsístat. Per Dóminum.

Et, in Missis privatis tantum, fit Commemoratio S. Leonis II Papæ et Conf.:

Oratio

**D**eus, qui beátum Leónem Pontíficem Sanctórum tuórum méritis coæquásti: concéde propítius; ut, qui commemoratiónis ejus festa percólimus, vitæ quoque imitémur exéempla. Per Dóminum.

Lectio libri Sapiéntiæ

Eccli. 44, 16-27; 45, 3-20

**E**cce sacerdos magnus, qui in diébus suis plácuít Deo, et invéntus est justus: et in témpore iracúndiæ factus est reconciliátio. Non est invéntus símilis illi, qui conservávit legem Excélsi. Ideo jurejurádo fecit illum Dóminus créscere in plebem suam. Benedictiõem ómnium géntium dedit illi, et testaméntum suum confirmávit super caput ejus. Agnovit eum in benedictiõem suis: conservávit illi misericórdiam suam: et invenit grátiam coram óculis Dómini. Magnificávit eum in conspéctu regum: et dedit illi corónam glóriæ. Státuit illi testaméntum ætérnum, et dedit illi sacerdotium magnum: et beatificávit illum in glória. Fungi sacerdotio, et habére laudem

in nómine ipsíus, et offérre illi incénsium dignum in odórem suavitatís.

**Graduale Eccli. 44, 16 et 20** Ecce sacerdos magnus, qui in diébus suis plácuít Deo. V. Non est invéntus símilis illi, qui conserváret legem Excélsi.

Allelúja, allelúja. V. Ps. 109, 4 Tu es sacerdos in ætérnum, secúndum órđinem Melchisedech. Allelúja.

¶ In Missis votivis post Septuagesimam, omissis Allelúja et Versu sequenti, dicitur

**Tractus Ps. 111, 1-3** Beátus vir, qui timet Dóminum: in mandátis ejus cupit nimis. V. Potens in terra erit semen ejus: generátio rectórum benedicétur. V. Glória et divítia in domo ejus: et justítia ejus manet in sáculum sáculi.

Tempore autem Paschali omittitur Graduale, et ejus loco dicitur:

Allelúja, allelúja. V. Ps. 109, 4 Tu es sacerdos in ætérnum, secúndum órđinem Melchisedech. Allelúja. V. Hic est sacerdos, quem coronávit Dóminus. Allelúja.

Sequéntia sancti Evangélii secúndum Lucam

Luc. 11, 33-36

**I**n illo témpore: Dixit Jesus discípulis suis: Nemo lucérnam accéndit, et in abscondito ponit, neque sub módio: sed supra candelábrum, ut, qui ingrediúntur, lumen vídeant. Lucérna corpóris tui est óculus tuus. Si óculus tuus fúerit simplex, totum corpus tuum lícidum erit: si autem nequam fúerit, étiam corpus tuum tenebrósum erit. Vide ergo, ne lumen, quod in te est, tenebræ sint. Si ergo corpus tuum totum lícidum fúerit, non habens áliquam partem tenebrárum, erit lícidum totum, et sicut lucérna fulgóris illuminábit te.

Credo, per totam Octavam.

**Offertorium Ps. 88, 21-22** Inveni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

**Secreta**

**S**ancti tui, quæsumus, Dómine, nos ubique lætificent: ut, dum eorum mérita recólimus, patrocínia sentiámus. Per Dóminum.

Pro S. Leone

**Secreta**

**A**nnue nobis, quæsumus, Dómine, ut intercessióne beáti Leónis hæc nobis prosit oblátio: quam immolándo, totíus mundi tribuísti relaxári delicta. Per Dóminum.

**Communio** Luc. 12, 42 Fidélis servus et prudens, quem constituit dóminus super familiam suam: ut det illis in témpore trítici mensúram.

**Postcommunio**

**P**ræsta, quæsumus, omnípotens Deus: ut, de percéptis munéribus grátias exhibéntes, intercedénte beáto Ottóne Confessóre tuo atque Pontífice, beneficia potióra sumámus. Per Dóminum.

Pro S. Leone

**Postcommunio**

**D**eus, qui ánimæ fámuli tui Leónis ætérnæ beatitúdinis præmia contulísti: concéde propítius; ut, qui peccatórum nostrórum póndere prémimur, ejus apud te précibus sublevémur. Per Dóminum nostrum.

☞ **Infra Octavam et in die Octava S. Ottonis dicitur Missa Státuit, ut in Festo.**

Die 4 Julii

**In Commemoratione  
Omnium Ss. Summor. Pontificum  
Duplex majus**

**Missa** Congregáte, inter Missas pro aliquibus locis in fine Missalis, die 3 Julii.

**Et fit Commemoratio Octavæ Ss. Petri et Pauli App., ut in Missali hac die, et Octavæ S. Ottonis, ut supra 7\*, ac legitur Evangelium Ecce, nos reliquimus, de Octava Ss. Apostolorum in fine.**

Die 15 Julii

**S. Henrici Imp., Confessoris  
Duplex**

**Ut in Missali hac die.**

Die 18 Augusti

**S. Rochi Confessoris  
Semiduplex**

**Missa** Justus, de Communi Conf. non Pont. 2 loco cum Orationibus ut in fine Missalis pro aliquibus locis, die 16 Augusti.

**Et fit Commemoratio Octavæ Assumptionis B. Mariæ Virg. et S. Agapiti Mart., ut in Missali.**

Die 16 Octobris

**S. Hedwigis Viduæ,  
Titularis Ecclesiæ Cathedralis**

**Duplex I classis cum Octava communi**

**Introitus**

**G**audéamus omnes in Dómino, diem festum celebrántes sub honóre beátæ Hedwigis: de cujus solemnitáte gaudent Angeli, et coláudant Fílium Dei. Ps. 44, 2 Eructávit cor meum verbum bonum: dico ego ópera mea Regi.

☞ Glória Patri.

**Oratio**

**D**eus, qui beátam Hedwígem a sæculi pompa ad húmílem tuæ Crucis sequélam toto corde transíre docuísti: concéde; ut ejus méritis et exémplo discámus peritúras mundi calcáre delicias, et in ampléxu tuæ Crucis ómnia nobis adversántia superáre: Qui vivis et regnas.

☞ **In die Octava dicitur sequens**

**Oratio**

**D**eus, grátia dator et glóriæ: tuæ nobis propítius sinum pietátis áperi et præsta; ut, qui manéntem civitátem hic non habémus, ad futúram, quam quærimus, beátæ Hedwigis interveniéntem suffrágio perducámur. Per Dóminum nostrum.

**Léctio libri Sapiéntiæ  
Prov. 31, 10-31**

**M**ulíerem fortem quis invéniet? Procul et de últimis finibus prétium ejus. Confídit in ea cor viri sui, et spóliis non indigébit. Reddet ei bonum, et



non malum, ómnibus diébus vitæ suæ. Quæsívit lanam et linum, et operáta est consilio mánuum suárum. Facta est quasi navis institóris, de longe portans panem suum. Et de nocte surréxit, dedítque prædam domésticis suis, et cibária ancíllis suis. Considerávit agrum, et emit eum; de fructu mánuum suárum plantávit víneam. Accínxit fortitú-dine lumbos suos, et roborávit bráchium suum. Gustávit, et vidit, quia bona est negotiátio ejus: non exstinguétur in nocte lucérna ejus. Manum suam misit ad fórtia, et dígití ejus apprehendérunt fusum. Manum suam apéruit ínopi, et palmas suas exténdit ad páuperem. Non timébit dómui suæ a frigóribus nivis: omnes enim doméstici ejus vestíti sunt duplícibus. Stragulatam vestem fecit sibi: byssus et púrpura indumentum ejus. Nóbilis in portis vir ejus, quando séderit cum senatóribus terræ. Síndonem fecit et véndidit, et cíngulum trádidit Chanæo. Fortitúdo et decor indumentum ejus, et ridébit in die novíssimo. Os suum apéruit sapiéntiæ, et lex cleméntiæ in lingua ejus. Considerávit sémitas domus suæ, et panem otíosa non comédit. Surrexérunt filii ejus, et beatíssimam prædicavérunt: vir ejus, et laudávit eam. Multæ filiæ congregavérunt divítias: tu supergréssa es univérsas. Fallax grátia, et vana est pulchritúdo: múlier timens Dóminum, ipsa laudábitur. Date ei de fructu mánuum suárum: et laudent eam in portis ópera ejus.

**Graduale Ps. 44, 3** Diffúsa est grátia in lábiis tuis: proptérea benedíxit te Deus in ætérnum. **Ÿ. Ibid., 5** Propter veritátem et mansuetúdinem et justítiam: et dedúcet te mirabíliter dextera tua.

Allelúja, allelúja. **Ÿ. Ibid., 5** Spécie tua et pulchritú-dine tua inténde, prospere procéde et regna. Allelúja.

**¶ In Missis votivis post Septuagesimam, omissis Allelúja et Versu sequenti, dicitur**

**Tractus** Veni, Sponsa Christi, áccipe corónam, quam tibi Dóminus præparávit in ætérnum. **Ÿ. Ps. 44, 8** Dilexísti justítiam, et odísti iniquitátem: proptérea unxit te Deus, Deus tuus, óleo lætítiæ præ consórtibus tuis. **Ÿ. Ibid., 5** Spécie tua et pulchritú-dine tua inténde, prospere procéde et regna.

**Tempore autem Paschali omittitur Graduale, et ejus loco dicitur:**

Allelúja, allelúja. **Ÿ. Ps. 44, 3** Diffúsa est grátia in lábiis tuis: proptérea benedíxit te Deus in ætérnum. Allelúja. **Ÿ. Ibid., 5** Spécie tua et pulchritú-dine tua inténde, prospere procéde et regna. Allelúja.



Sequéntia sancti Evangélii secúndum Matthæum

**Matth. 13, 44-52**

**I**n illo témpore: Dixit Jesus discípulis suis parábolam hanc: Símile est regnum cælórum thesáuro abscondito in agro: quem qui invénit homo, abscondit, et præ gáudio illíus vadit, et vendit univérsa, quæ habet, et emit agrum illum. Iterum símile est regnum cælórum hómíni negotiátóri, quærénti bonas margarítas. Invénta autem una pretíosa margaríta, ábiit, et véndidit ómnia, quæ hábuit, et emit eam. Iterum símile est regnum cælórum sagénæ missæ in mare, et ex omni génere píscium congregánti. Quam, cum impléta esset, educéntes, et secus littus sedéntes, elegérunt bonos in vasa, malos autem foras misérunt. Sic erit in consummatione sáculi: exibunt Angeli, et separábunt malos de médio justórum, et mittent eos in camínium ignis: ibi erit fletus, et stridor déntium. Intellexístis hæc ómnia? Dicunt ei: Etiam. Ait illis: Ideo omnis scribe doctus in regno cælórum símilis est hómíni patrifamílias, qui profert de thesáuro suo nova et vétera.

**Credo, in Cathedrali tantum.**

**Offertorium Ps. 44, 10** Filiæ regum in honóre tuo, ástitit regína a dextris tuis in vestítu deauráto, circúmdata varietáte.

**Secreta**

**V**ultu, Dómine, plácido nos réspice, ea, quæ de manu tua recépimus, offeréntes: et, quod in nobis tibi dísplicet, intercedénte beáta Hedwíge, grátia tuæ benignitátis abstérge. Per Dóminum nostrum Jesum Christum, Fílium tuum: Qui tecum vivit et regnat in unitáte Spíritus Sancti Deus.

**Communio Ps. 44., 3** Diffúsa est grátia in lábiis tuis: proptérea benedíxit te Deus in ætérnum et in sáeculum sáeculi.

**Postcommunio**

**S**umpta, quásumus, omnípotens Deus, hóstia salutáris ab advérsis nos ómnibus tueátur incúrsibus: et post hujus labóres exsílíi beátæ Hedwígis interveniéntibus méritis; ducat ad réquiem opuléntam. Per Dóminum nostrum Jesum Christum, Fílium tuum: Qui tecum vivit et regnat in unitáte Spíritus Sancti Deus: per ómnia sáecula sáeculórum. **R.** Amen.

**In Missis votivis loco Introitus Gaudeámus, sumitur ille de Communi non Virginum 2 loco:**

**Introitus Ps. 118, 75 et 120**

**C**ognóvi, Dómine, quia áequitas júdicia tua, et in veritáte tua humiliásti me: confíge tímóre tuo carnes meas, a mandátis tuis tímui. (**T. P.** Allelúja, allelúja.) **Ps. ibid., 1** Beáti immaculáti in via: qui ámbulant in lege Dómini.

**V.** Glória Patri.

Die 23 Octobris

**In Octava S. Hedwigis Viduæ**

**Duplex majus**

**Missa ut in Festo 8\***, præter Oratio-Deus, grátia dator, **ibidem pro die Octava notatam.**

Die 31 Octobris

**S. Wolfgangi Ep. et Conf.**

**Duplex**

**Missa Sacerdótes tui, de Communi Confessoris Pontificis 2 loco, cum Orationibus de eodem Communi.**

**Et fit Commem. Vigiliæ Omnium Sanctorum ut in Missali hac die, ac legitur ejusdem Evangelium in fine, de qua dici possunt Missæ privatae, juxta Rubricas.**

**¶ In Cathedrali hodie dicuntur duæ Missæ: una (lecta) de Festo, sine Commemoratione Vigiliæ et sine Evangelio ejusdem; altera (cantata) de Vigilia, sine Commemoratione Festi, sed cum Orationibus in Missa de Vigilia positis, nisi intercedat Dominica: quia tunc in Sabbato præcedenti fit Officium de Vigilia.**

Die 5 Novembris

**Sacrarum Reliquiarum**

**quæ in Ecclesiis Diœcesis asservantur**

**Duplex majus**

**Missa Multæ tribulatiónes, inter Missas pro aliquibus locis in fine Missalis, die 5 Novembris.**

**Et fit Commemoratio Octavæ Omnium Sanctorum, ut in Missali.**

Feria III

post Dominicam II Novembris

**Dedicatio**

**Ecclesiæ Cathedralis**

**Duplex I classis cum Octava communi**

**Terríbilis, ut in Anniversario Dedicatiónis Ecclesiæ. In Octava Dedicatiónis dicitur eadem Missa.**

Die 19 Novembris

**S. Elisabeth Viduæ**

**Duplex II classis**

**Ut in Missali hac die.**

## INDEX ALPHABETICUS

	pag.
Adalberti Ep. et Mart., duplex majus. 23 Apr. . . . .	4*
Bennonis Ep. et Conf., duplex. 16 Junii . . . . .	6*
Bonifatii Ep. et Mart., duplex II classis. 5 Junii . . . . .	6*
Clementis Mariæ Hofbauer Conf., duplex majus. 15 Martii . . . . .	3*
Commem. Omn. Ss. Summor. Pontificum, duplex majus. 4 Julii . . . . .	8*
Dedicatio Ecclesiæ Cathedralis, duplex I classis cum Octava communi. Feria III post Dominicam II Novembris . . . . .	10*
Elisabeth Viduæ, duplex II classis. 19 Nov. . . . .	10*
Godehardi Ep. et Conf. Commem. 4 Maji . . . . .	6*
Hedwigis Viduæ, Tit. Eccl. Cathedr., dupl. I class. cum Oct. comm. 16 Oct. — — Octava, duplex majus. 23 Octobris . . . . .	8* 10*
Henrici Imp., Conf., duplex. 15 Julii . . . . .	8*
Joannis Nepomuceni Mart., duplex. 16 Maji . . . . .	6*
Ottonis Ep. et Conf., duplex I classis cum Octava communi. 3 Julii . . . . .	7*
Petri Canisii Conf. et Eccl. Doct., duplex II classis. 27 Aprilis . . . . .	5*
Petri, Patr. princip. Diœces., et S. Pauli Apostolorum, duplex I classis cum Octava communi. 29 Junii . . . . .	6* 3*
Rabani Mauri Ep. et Conf., duplex. 4 Febr. . . . .	3*
Reliquiarum sacrarum, quæ in Ecclesiis Diœcesis asservantur. Duplex majus. 5 Nov. . . . .	10* 8*
Rochi Conf., semiduplex. 18 Augusti . . . . .	8*
Wolfgangi Ep. et Conf., duplex. 31 Oct. . . . .	10*

